

中東戰紀本末續編

亨

中東戰紀本末續編卷之二

美國林樂知榮章譯訂

西文電報

上海蔡爾康正祓纂輯

光緒二十二年正月十日

西歷一千八百九十六年二月二十二號

倫敦路透社電報新聞館專電致上海字林報館言前任華

使升任俄使歐格訥大臣回英英廷超擢兩級賞加政府大臣銜

略如中國軍機大臣寓華英人多曰我宰相沙士

勃雷侯善治外交斷無濫賞之理或者我輩識見不逮沙侯故覺歐大臣漠視華危別有一理遂薄視其

人也其不滿之意可於言外見得○十三日英電聞諸俄都人士言俄在朝鮮惟冀得一當以保朝王俾

成獨立自主之國非欲據以爲藩屬也○既望東電俄皇加冕大典日本初派宰相伊藤侯

博文赴俄申

慶忽報朝鮮新亂無術分身遂改派伏見親王爲正使兵部尙書山縣伯

有朋爲副使定日首途俄國駐

日公使與之偕行蓋將返其故都隨班慶賀也

按俄國駐華公使喀西呢大臣獨不回國或曰將乘李中堂出都之後商訂華俄密約以便私圖也然乎否乎○

十七日英電本日英新任使華大臣麥多璠登輪東渡○廿四日英電法都衆銀行聯合大公司願以鉅

款貸華供第二次償日之用法廷爲之作保如去年俄皇保借第一次貸銀一百兆兩也者中國急謝絕

之而語之曰上海英商匯豐德商德華兩銀行先經願借我政府已與有成說矣○廿六日津電已革原

任海軍提督丁

汝昌

之夫人某氏。絕粒而卒。夫也。債事捐軀。妻也。輕生殉節。皆可憫已。○廿九日。英電泰

唔士報錄俄國窪疊沙

黑海口也

信云。俄國大發兵士至遼東。今仍未有間斷。計俄兵之戍於海參崴者。已有

九萬名。誠巨測矣。○晦日。京電。中國第二次貸款。計英金十六兆鎊。英德兩國各銀行。願為供應。以上海

之匯豐德華兩銀行為領袖。

中朝俯如所請。

二月朔日。

西三月十四號

英電。英德新定貸銀於華之事。并議定。中國各新關。照常辦事。決不改變。亦毋庸整頓。

歐人皆謂稅多於息。大屬可恃。○初四日。英電。得華京信。粵省西江一帶。准開通商口岸。已見明文。惟需

俟滇省界事定後。再定開埠之期。○初七日。英電。題曰。德心向日。文曰。德議院關門議事。外部大臣男爵

某言。德合俄法。而逼日。非有愛於華。而有惡於日也。德緣切己之事。不得已而出此也。日本如少年人。靈

活而壯健。今已顯其力於水陸軍中。倘知可恃為保障者。惟我德國。異時德日通商。別訂永堅盟好之條

約。則尤善矣。○初八日。英電。英議員問於外部侍郎古爾遜曰。英欲派商務人員。就英使於日本。即駐使

館。隨時探報商情。未知何日成行。古侍郎曰。時未至。事亦未商。又有問者曰。中國西南境

指滇桂兩省

今已准

開商埠。未知稅則若何。侍郎曰。北京使館中人。現正查考。是事必按一千八百五十八年津約第廿九條

所載。規例妥為辦理。一俟中朝議定口岸。并輪船出入暫泊之地。或順便亦可設埠。地方之後。將遣派

常駐之領事矣。○十一日英電駐京法使施蘭德以安南富蘭東地方展築鐵路將至龍州爰請總署飛咨桂撫由龍州法路之頭速籌接造華路迤邐而南英人聞之曰法人恐西江既開商埠商貨必從水路至廣東若有鐵路可通則可分其貿易於安南也獨惜廣西為素著之瘠區即有鐵路亦未見有絕大商務且未必能分西江之利耳惟既有此路於事必有所益。○二十日英電中國新貸之款英德分售股票今聞截止之日通計多於應借之數二三倍。○清明節香港電英駐華新使麥多瑞至自英香港官商設茶點以款之李欽使殷殷道謝并言十八年前余在此間為末弁誠不料超升貴使也然多憂多難關繫大局之事畢集於魏弱不覺一則以喜一則以懼港中人具有同心能助余一臂否若問國政之所交涉事宜祕密不敢告人惟望祖宗流傳之榮業毋使及吾身而失墜而已夫中華大國也通商之利大有可望今所成就者不過如鵬程之發軔英人若肯携手偕行則吾輩應得之進步庶幾必得之矣。

三月二日

西四月十四號

東電朝鮮先許美國築自都達於仁川及濟物浦之鐵路俄法人知之欲攬築自都達

於元山之鐵路料可有成今所存者僅自都達於釜山之鐵路耳日本若不速爭亦必墮他國之手

日本報則

曰今朝王已歸於俄朝路已歸於美朝商則又歸於華不知日本將從何取利哉

○又云日本伊藤相西鄉侯將於三月廿八日偕因病回國之

樺山總督乘吉野艦而赴臺灣察度情形。○十一日東電朝鮮內治外交宜由俄日二國會商合辦以期



鞏固又安。日使小村壽太郎與俄署使惠勃議訂草約一紙。送往東京。請日外部陸奧光宗與俄署使覆核。俄署使即駐朝正使也。聞彼此以爲可行。寄返漢城作爲定局。○朝電本日。俄使館又增武弁二員。醫官五員。水師五十名。聞不過前戍兵之及瓜而代耳。或曰。朝王將由俄館回宮。故俄續調雄師爲之護衛。朝相及戶曹正員已易新人。皆諫王早日回宮。○十三日。英電聞英美二國議確立公斷之大法堂。凡有國政互爭。非官法之所能定者。悉歸此堂核辦。以免兵革之禍。按此即初編所譯弭兵會之本意也。佛言善哉善哉。○十四日。東電日本總兵官答人之問曰。辦理朝鮮事務之最棘手者。莫若必需兵力。倘東兵與俄兵同在內地。不免相遇。即不免生事。當日本初次派兵入朝之際。中國即以此爲慮。日本答曰。吾兵紀律森嚴。保無意外之禍。今遇俄兵。日本紀律即變而廢弛乎。欺人者轉恐人欺。先後不越二稔。天道好還。信可畏哉。鄙意莫若與俄約定一國派兵入內地。一國駐艦於海口。庶乎彼此相保。亦彼此相安矣。○既望。英電或問外部古侍郎曰。中俄密約。中國以一大地讓與俄國。有諸。侍郎曰。本部曾質諸俄公使。堅言無有。○又云。俄人知李中堂將到蓬壘沙海口。預備款迎儀節。本日中堂舟至。俄官迎之。致敬以盡禮。○又云。日本質俄使者山縣有朋。自紐約乘舟至哈夫。法國大海口也。法官迎之。亦甚恭。○朝電朝亂漸定。亂民驟見洋兵。即共銷聲匿跡。元山日領事報稱。達於朝都之孔道行者已免戒心。貿易漸振。○東電漢城來信。朝鮮新政府諸臣。又不能安於其位。朴宗揚逃往美國。將召之回。閔某本禁諸獄。將釋之。出前附日鋼王。

之金宏集。今又過赦。總之紛紛擾擾。不成爲國而已。○又云。聞法人欲糾集公司。承築華朝鐵路。計始自朝都漢城。通至平壤。過鴨綠江。直入吉林黑龍江。而與西伯里亞俄路相接。朝鮮不足論中國。其將許法乎。恐英人振振有辭矣。○又云。漢城定議。添造內地電線。特派二人至海參崴。就俄學堂中。肄習測量。接造諸法。又增購電線電竿等物。○又云。俄欲設租界於釜山。○十七日。東電。日本駐朝參贊。能通俄文字。語言。與俄署使商訂俄日合辦朝事之約。日本各部官多以爲甚合。聞約中尙有一條云。朝王宜卽還宮。俄日共保之。○朝電。元山至平壤之間。亂勢亦定。○二十日。英電。李中堂已至彼得羅堡。俄新俄人也迎之。竭誠盡敬。以距加冕之期。尙有二十餘日。故暫不前往。木司寇。或譯作莫斯利俄故都也○廿一日。東電。朝鮮亂後。電

報歸日人掌管。今將舉自都達於元山。及義州之電線。仍歸朝人主政。○廿三日。英電。中堂俟俄皇加冕禮畢。將徧歷有約諸國之都城。晉謁諸君王。并晤其政府大臣。議增入口貨稅三釐。華關稅則本係值百抽五。今加三釐。蓋值百抽八也。事如有成。裨華匪淺。○香港電。德國郵船主。及船中之醫士。私以攝影鏡。照取香港礮臺圖。英官知而捕之。罰禁三月。兼作苦工。知英德猜嫌。猶未已也。中國威旅礮臺。日本軍中。幾於人有其圖。我恨華官不早。以英官懲德之法。懲之。○東電。日欲與俄商訂合辦朝事之局。然日人之意。俄不能遽允。俄人之意。日亦未便照行。英廷又忽有干預之意。駐日英使方往大坂。接到倫敦電諭。倉猝言返東京。急往會日外

部陸奧光宗。商議要公。日相伊藤博文。本欲暫往臺灣。緣此而緩行期。且電致漢城。促召朝使小村壽太郎。回日。面問情形。○廿五日。英電。德國新派駐華公使海京男爵。先奉使於埃及開露都城。即華語所謂小欽差耳。繼任莫洛哥公使。仍不過與斐洲人相周旋。今忽調使中國。與英國新駐華使之調自斐洲小國者。同屬出人意。外查英德二公使。素皆非有頭二等之貴。又與亞洲人素不相稔。而同奉使來華。豈謂華人但當以力制之。不必以理勝之歟。抑謂其類於斐洲之野人歟。君子曰。微中國示弱之故。何至於此。然微日本之故。亦何至顯其弱於歐洲乎。載筆者於此。所由歎息痛恨於侵暴同洲者也。○廿六日。英電。李中堂既至俄都。小駐旌麾。即往柴絲穀。躬行宮謁。見帝后。帝后皆待以殊禮。○廿七日。東電。前日中國應付日本銀五十兆兩。半由倫敦。半由柏靈。匯劃清楚。照是日市價。大抵合英金八兆二億鎊。四月朔。西五月十三號英電。燕臺滋大洋行前漲灘地。應歸英商升科執業。乃俄強索諸華。華又未嘗問諸英。遽在北京允許。英京聞之。皆曰。是可忍。孰不可忍。宜速澈底清查。果其有害於英商。惟華政府承其責。按中國前以暹羅界外。甌脫地。不問英而贈法。英心滋怒。燕臺雖祇一片地。而於事則無判重輕也。○初三日。英電。或舉燕臺讓地事。問於外部侍郎古爾遜。侍郎曰。事誠有之。且此地華讓俄。必礙英。故已電咨華使。實納樂。前譯作麥多璽照會總署。凡英人之緣是而受損者。必歸中國承認。○十三日。英電。或謁李傅相。問其來歐之意。傅相曰。賀俄升冕。君知之矣。更將

博考諸國治法。他日回華。更張整頓。至中之與俄。實無密約。惟交誼之固。則如膠似漆也。法若能與中互相關注。深以爲願。若問中英之交誼。須俟到倫敦後。始能知之。問者想係法人。傳相故有此語。○既望。英電接俄都電。俄皇召見各國特使諸大臣。李中堂與英使歐格訥大臣同入見。和霽之意。見於言表。○廿五日。英電李傅相於俄禮畢後。廿七日。往你是你。瑞璈抵蘆大市集。觀行開集禮。俄皇親詣行禮。三月朔電報。俄皇恐尼希利黨謀逆。辭集董以不往。今仍往者。或亂之稍緩歟。廿九日。往德都柏靈。隨後將歷游奧都維也納。葡舊都潞四德。法都巴黎。比都撻垃圾。和都海稱。英都倫敦。美都華盛頓。然後取道日本。而回中國。

五月二日。

西六月十二號

英電。英美派人互議公斷違言之法。皆甚願意。今英又欲推諸各國。因飭各處通商局。

上海亦

有之。特派專董查照寄寓之國之情形。凡其國政府與英國駐使所不能平議之事。此後應作何辦理。

作速議明開單呈報。○初三日。英電得日本電。俄日會議朝鮮事。俄未言欲以兵守朝。惟與日議定戌朝。

兵日爲政。教朝兵以成勁卒。俄廷簡命武員爲政。○端午。英電英國通商局議廣中國商務。因特派數

董會議於倫敦。旋定增築鐵路數道。直入華境。遂就衆董中更選數董。謁商政府大臣。或公家自行增築。

數路。或准商人築造。官爲保護。沙侯語之曰。國家不能緣助商之故。造路於本國界外。若商人有築路資

本。直至沿邊。非半途而廢之比。國家可爲照料。然亦仍以本境爲限。到此地步。再俟機緣。○又云。李中堂



持節至德京。德國公家竭誠盡敬以迎之。民間亦興高采烈。德皇即日召見。待以頭等欽差之殊禮。德國製造廠商人更擬盛設大會以娛上賓。是日日本賀俄使者山縣有朋亦至德。因病欲返其國。德人待之若何電報未詳。○端大英電。李中堂謁見德皇。呈遞國書并致詞云。中德交誼本較同盟諸國尤爲敦睦。去歲承相助以收遼東。尤屬大有造於敝國。不勝感謝。德皇曰。如君言信大佳。繼自今所望益重邦交。兩國均有裨益。君歸華海時更願代謝貴皇特使君來。敝國之盛意。○又云中堂辭別德皇之際。皇贈以頭等紅鷹大十字寶星一面。此外臣所不易得之異數也。○又云日使山縣氏至德。謁見德相何恩祿親王。既而王答拜之於行館。傾談良久。○初七日英電。李中堂謁見德皇後。皇復召赴博芝丹行宮。歐西各國君王多居郊外行宮以近山林清淑之氣德王相何恩祿外部大臣皮哀賜丁中國駐德大臣許竹質少司馬與中國使署諸隨員均自柏靈都會偕乘火車而往。德大臣亦簪纓畢集。少坐內官宣旨賜食點筵。○又云日使山縣氏謁見德皇於博芝丹行宮。因病不克至。英即日取道美洲將乘坎拿大輪船公司之皇后船返日。○又云中堂與皮哀賜丁大臣暢談兩點鐘。皆中德交涉事也。傳聞一席之談已立中德相交之根柢。後有作者皆萌芽也。○又云中堂延聘德國兩武員至華專定武備院新章。○又云中堂至了頭江邊之富蘭福城。德國製造廠之都市也。聞中堂至街衢間懸旗結綵更派數董歡迎夾道聚觀者齊呼萬福。懽噪逾恆。駐防富

蘭福城之武員徵兵會操與中堂憑軾而觀之。更就軍中與中堂同食點。○初九日英電中堂在德或叩以中俄密約事。中堂曰華惟許俄假道滿洲以築鐵路而已。初無密約也。○初十日英電中堂與德外部互談之頃。更及中俄交涉諸要政。請德留意。○十一日英電李中堂到賜答亭。德經理船政大臣設盛筵爲大會以款之。今使節將往聚泊德海軍之基兒地方。蓋卽波羅的海與北海相隔處。甫經鑿通者也。○望日英電李中堂行抵漢勃兒。德國通商大口岸也。官商先期預備款迎盛禮。并設大宴以娛賓。不料中堂甫至。驟感風寒。不能赴會。衆皆不免敗興。○旣望英電李中堂旣抵漢勃兒。距德前相俾士麥王故居不遠。因乘火車往拜。考歐人稱中堂者指爲中國俾士麥。以同有扶天浴日之大功也。惟二人均當垂暮之年。相去遼絕之路。共度今生。無相見期。不意兩美必合。得以一室晤談。此日之懽愉必有百倍尋常者。故俾王致敬盡禮以迎之。中堂亦傾忱吐鬲以道之。凡歷兩點鐘之久。始殷勤握手而別。○十八日英電李中堂返德都。通商局請宴。德內部大臣在座。循例飲福畢。大臣言中堂來歐洲更來敝國。皆難得之事。且今時之來於中德交誼大有關係。惟能早來廿五年。豈不更妙。○二十日英電中堂至遏森。蓋克虜伯製造廠主人邀之也。入席之際。中堂爲上客。○廿二日英電他日李中堂至英。將主於沙士勃雷侯相之邸第。沙侯襲爵世家也。又富室也。宮室之美。上擬王國。并聞沙侯將導中堂往觀阿姆士莊製造廠。繼至

幟芝帽。英戰艦叢泊之口岸也。時值諸英艦會操甫畢。泊於是者。有鐵艦一百七艘。或將鼓其餘勇。試演於洪波巨浸之中。中堂憑軾而觀。當嘆息於英國水師之盛。誠天下莫與京已。○廿四日。英電中堂至哭龍姆地方。德國官紳及製造廠總理均盛服出迎。官吏行延客禮。富紳則願承籌款供張之役。○廿六日。英電中堂敬受德皇所贈之紅鷹大十字寶星。今日奉到上欽金鋼鑽石華貴無匹。○又云中堂到哭龍姆將出德境矣。盛筵既撤。使譯員舉解宣言曰。本大臣今在貴國。所冀貴國諸人不必以爲失望也。本大臣之來此。以聯絡邦交爲主。若目所得見之事。異日回華。必有以報命矣。按中堂至德德人以爲必將定購船械之類。既而一無所成。故臨別時以此言相慰藉。○廿七日。英電中堂昨至和蘭國。卽入海牙都城。和官迎之。致敬盡禮。○又云。德京報云中堂行將他適矣。當其來時。各處仰望。今試思之。曾造船乎。曾鑄械乎。故送者皆自崖而返。殊冷落也。說者曰。此商人之見也。國政所關。豈其然乎。○廿八日。英電中堂至和蘭王贈以獅子十字寶星。聞中堂電咨總署。請發給寶星一百五十面。以備賞犒之需。

六月朔。西七月十一號英電日本賀俄專使山縣有朋。踵李傅相之後。亦至德都。德廷以尋常客禮待之。而待傅相以殊禮。或問山縣無亦有妬於心歟。山縣曰。中華大國也。傅相老臣也。德廷待之有加。禮於理允。當且於國政初無關繫。日本何妬之有。又問中俄日三國聞已新訂盟約。有諸山縣曰。無有。○初四日。英電傳

相至法都。按是日

西七月十四號

爲法改良主之期。各地旗燈紛列。藉申慶賀。特約傳相乘此令節。稅駕巴黎。所謂一得而兩便也。

○初五日。英電傳相入謁法民主。具言中法相交之厚。且言去歲法助奪遼於日本。我華銘感弗諉。所願後此之益加親密也。民主福兒答曰。余甚喜貴大臣之遠臨。尤甚冀兩國交情之日篤。

○天貺節。英電英廷聞傳相將來。擬待之以賓禮。特賞一爵主之邸。藉作行臺。并派前充中國副領事之某君爲導游使者。

○初八日。英電傳相至法大銀行。蓋卽去年倚俄爲保而貸金於華者。行中總理人問於傳相曰。中國尙需貸銀否。傳相曰。已議定再借一鉅款。惟須由商人經理。不經戶部及國家官吏之手。蓋採本廣學會督辦李佳白孝廉之議也。

○又云。中國似略有膽量矣。俄德兩國欲設銀行於北京。代中朝經辦國帑。中國不許。聞已舉此事託諸華商實爲謀國良策。

○初十日。英電傳相答巴黎人之問曰。英法兩國互爭先入中國之西南境。

指滇粵各省言

以擴商務。中國務持其平。使中英法均沾商利。不欲有所偏倚也。

○十三日。廈門電有輪船自臺南來。報稱日戰艦從基隆至安平。水師登岸。尋滅不服日人之衆。初

八遇諸山脚。戰於太平頂。臺人敗退入內山。太平頂爲日兵所踞。各路皆通。樟腦生意復盛。俟廣島添兵

至臺。將入內山搜殺。今因兵力不足。祇守隘耳。

○十九日。燕臺電大旋風從上海來。德國小戰艦

即前在臺北保

而攻燬基隆礮臺者也。正欲開往長崎。十三日行過成山頭。遭風覆沒。弁兵之獲救者只十人耳。

○廿一



日京電中東通商約業經議約大臣畫押○廿四日英電李傅相至倫敦英廷以使相之禮待之不必若德廷之加禮也○廿六日廈門電廈洋以臺民不服特立問刑衙門選刑司三員經理上控處臬使二員充當問官仍聽臺督節制先在彰化提人鞫問俟有頭緒再移他縣并頒發該衙門應訊章程四條犯謀反之罪擾亂地方者不服官法者與官爲仇者作事礙於他國者○英電泰晤士報云聞傅相之所以來英者欲英之允增關稅也其發端之語大約以金銀價值懸殊故聞俄德法業已允許然中西商務英獨占十分之八假使英廷不允事終不行逆料英廷於將允未允之時必先索問中國給予通商何等利益然後可定且旁人又曰自俄法德助奪遼東事起中國甚感三國然中西關繫之大莫英若也中國乃視英爲無分之國茲因欲增關稅不得不惟英是問英有辭矣○又云泰晤士報云中國欲設海陸兩新軍大約已有成議但此事之成能有若干分在於增稅若干分故英權尤重○又云今李傅相在德欲購快礮在法欲購來復槍又聞在英欲仿英制定造戰艦需其告成聘英官以治海軍○廿七日英電傅相謁見君主於懷德島行宮君主避暑處也○廿八日英電傅相在英君主賜以頭等最榮之大十字新寶星名曰維多利亞蓋卽君主之御名也上鋪奮勇進往字樣

七月二日

西八月十號

英電李中堂在倫敦有人公宴諸揀武絡坡大旅店看核既撤中堂循西例舉觴言志

曰中英交際之難中於誤會非真互懷私忿也英國行政務乘至公中國自與締交屢蒙敬信華又向具和睦平安之志今我來英甚望略除阻止之機俾睦誼無所損害則庶幾不虛此行矣○初三日英電匯豐銀行經理人喀密倫與華英曾通商務之富商二百五十人假座英廷游宴之水晶宮大宴中堂共糜英金六千鎊合華銀四萬餘兩一席之費豪奢至此石崇王愷輩不足道矣宴畢中堂答主理喀密倫頌詞略曰匯豐顧念中華為數不

菲指第二不勝感謝○初四日英電倫敦商務局有大堂焉迎中堂入論事英商之有事於華者咸集中

堂有言余回華後務竭吾力使中國十八省冷僻之處亦罔不通鐵路○初五日英電中堂在倫敦往視

久與共事之英名將戈登留名閣及衣冠墓戈登將軍陣亡於埃及之加東忠骸不知零落何處其家屬具衣冠招魂而葬焉均懸一鮮花圈以

表愛忱○初六日臺電日廷聞臺灣之亂中有無辜冤死者捐日銀五萬圓以卹之○巧日英電今日中

堂末次會沙侯談增稅事○初九日英電中堂至前相格蘭斯敦私第或作杞辣士端省文曰杞公談次中堂言我各

行省必造鐵路期於四通八達又道及澳大利亞洲華人目為新金山限禁華人之謬杞公曰澳洲雖屬於英然

出於其人之願附英實不能遙制以權也○初十日英電中堂赴倫敦電報總局之宴主電者豫約中國

電局當中堂前試發速電中堂既入席繕就八十五字交電生電致華電局督辦盛荇蓀觀察宣懷凡轉

電十一次始抵上海觀察時正為時不過十二分半鐘觀察接電後即電復九十四字歷七分鐘已到倫

敦席上正初登肴核也說者謂倫滬相距四萬里電書往返其速至此實超意表然猶轉電至十一處也

沿路電局隨接隨轉華英電局預囑之也假使電學益精四萬里直接一線其不能直接者中則一彈指之頃業已如響斯應

電若有知自問恐亦不信矣○十四日英電英總刑司到美力言英美公斷違背之法實屬盡善盡美且

言此事應辦能辦急辦可永無兵革之禍矣○既望英電中堂在倫敦曾言在俄辦事未有所讓雖願任

西伯里亞鐵路與中國黑龍江鐵路相連然既未立約亦非讓地也○又云中堂議增稅事俄廷甚願速

行德法諸國則謂俟接駐華公使咨復再定從違英相沙侯亦明告中堂曰中國欲增關稅於理初無不

合惟本爵須與上海商務局互商未能獨斷獨行耳○廿一日英電中堂至紐約美人迎之致敬盡禮○

廿四日英電俄相親王銜羅拔老夫亦作魯八諾甫暴卒初羅相擬扈從俄皇及后西游至是言往奧都維也納

已登火車將取道於安基府俄古都也後始遷都於木司寇迫行過鄉僻地羅相忽患腦病俄皇即命停車扶掖至車站

醫療不及遂卒俄皇仍率后登車按照預定行程飛馳而去○廿五日英電俄相羅拔老夫實緣血盡而

死者泰西醫書略謂人身之血有管儲之日夕流行生機始暢有患血管發泡之證審若者泡薄易裂血溢於膚革間雖非冒出於外而管中之血頃刻而盡無可救藥眾議以為繼其位者必

竟其志玩弄中國者不止一年矣

八月朔西九月七號英電俄皇挈后行抵德國布來思羅城德廷撥帑供張禮儀隆重德皇且親至是城行奉

近禮又設盛席以饗賓。肴核既撤。德皇奉觴爲壽。循例宣言。有朕恃貴。皇爲承保。安瀾之大。囑。尤爲。要。乃俄皇離座作答。不過寥寥數語。惟德相何恩祿私覲。俄皇敘事。歷一點鐘。○初二日。英電俄報論俄皇至德之意。若曰。此共保歐洲永享昇平之質聲也。歐洲而無事也。俟有機會之來。可除英謀。占遠東中

國之權利矣。○又云。李中堂辭別美國。遂至坎拿大。英之吐龍都。○初三日。英電俄皇辭德皇而去。德皇

道及俄皇語。若曰。俄願藉兵力以恢文教。顯果毅以保平安。意殊英銳。又謂遇歐洲各國各種類人。彼此

均有裨益之事。卽助令聯合。完善俾得各保其自有之業。實與朕志同道合。○初四日。英電俄皇赴德皇

布來思羅城之宴。似不願言者。德奧兩國新報皆曰。向望俄與三約國意也。親近之心。今已付之流水矣。

接俄相羅拔老夫在日大權獨攬。遇事不相關白。故余謂俄皇非不願言實苦於不知而無。然俄皇之所

可。言也。此次出遊。羅相實從猝然長逝。俄皇卽愀然自出。或其心已厭而惡之。亦未可知。○初五日。英電中堂至坎拿大後。問貴議院欲增寄寓華人身稅。自美金五十

以來。實有共保平安之意。○初九日。英電昨日。中堂自坎拿大之萬古伐海口。登中國皇后輪船。圓驟增十倍。至五百圓。其意何居。○初九日。英電昨日。中堂自坎拿大之萬古伐海口。登中國皇后輪船。

注。屢展輪東下。○十二日。英電倫敦代辦中國第二次貸款。現在開收股票。來購者僅得半之數。按中國

見前。借銀百兆。英德各承其半。今春英銀行開收之際。業已溢出甚多。祇以但須先借五十兆。故將溢數截去。今重收五十兆。而不及額。蓋正值美舉新總統金銀並用。專用二法搖搖不定之際。人未敢出其私財也。

○十七日。英電俄皇俄后御舟至英。知君主在蘇格蘭之拜木蠟行宮。卽乘火車而往。巡捕在鐵路兩旁。

梭巡不輟。以杜姦究之竊發。○又云泰晤士報錄東方電云。俄日兩國互定同保朝鮮之約。日兵須退出朝境。循繹此電。初未言俄兵之退與否。也是日本蹈中國之覆轍。俄羅斯鈔日本之成文也。嗚呼。飛揚跋扈。曾幾何時。選懦唯阿。卽今已見螳螂見欺於黃雀。捕黃雀者。卽有弋人。天道好還。曾不轉瞬。可畏哉。可畏哉。○十八日。法電。俄皇至法。法人待之之厚。馨竹難窮。巴黎碎鶯江上。本有橋梁。今將舉行一千九百年盛會。別造新橋。工程浩大。敦請俄皇聶格爾第二。安置第一塊石基。又請錫名爲俄皇考愛烈珊德第三之橋。誠媚茲之別調也。俄皇至休婆亭海口。法則聚大艦廿一艘。以迎之。復大操以悅之。○廿四日。英電。俄皇在英。延見沙士勒雷侯。談事歷一點鐘。度必兼及羅拔老甫獨攬大權不○東電。中日通商條約。以奕厥之凶惡詳告俄皇等事

廿三日。日廷畫諸施行。○廿七日。京電。廿四日。俄使喀西呢大臣出都。蓋乞假而回俄也。探聞喀大臣與總署議訂滿洲築路之約。一月以來專候。中朝批准。今幸一紙書賢於十部從事。五朶雲重於九鼎。遂奉爲壓逼四垓人之鐵券。不遠三萬里之塵海。喜捧而歸。又據華人傳述。皇上以此事關係重大。欲俟李中堂回華。從長計議。然後親御丹毫。乃俄使日晤不已。總署王大臣無奈。請旨允行。嗚呼。余謂俄行調虎離山之計。固歷經考核。而始下筆者也。乃不明時局者。偏操謾語。以誚曰。此恭維李中堂耳。恭維二字本尺牘中套語。俗諺相沿。似係實諛之謂已。屬費解。更難入煌煌大論。誠所謂大方家數矣。今若此其謂之何。○廿八日。津電。昨晨李中堂安返天津。